

Proviz. služba
Tlu
18.01.2021. JSA.

UGOVOR O PRUŽANJU USLUGA FIZIČKE ZAŠTITE LICA I IMOVINE

Ovaj Ugovor zaključuje se između:

JU „Kantonalni centar za socijalni rad“, ul. Gatačka 80 , 71000 Sarajevo, koju zastupa direktor Mr.sc. Samir Suljagić (u daljem tekstu: **Naručilac**)
ID broj: 4200115210002
Telefon: 033/ 723-640
Fax: 033/ 723-641
e-mail: info@kcsr.ba

2. Agencija za tehničku i fizičku zaštitu Middle point electronics d.o.o., Džemala Bijdića br. 35, 71000 Sarajevo, koju zastupa Direktor Ermin Nezić (u daljem tekstu: **Izvršilac**)
ID broj: 4201204440000
PDV broj: 201204440000
Telefon: 033/ 677-155
Fax: 033/ 677-157
E-mail : info@mpoint.ba

Strane u Ugovoru saglasno konstatuju:

- da je Ugovorni organ u skladu sa Zakonom o javnim nabavkama proveo postupak dodjele ugovora iz usluga Aneks II dio B Zakona o javnim nabavkama - usluge: **Fizička zaštita lica i imovine za potrebe JU “Kantonalni centar za socijalni rad”**, sa ciljem zaključivanja Ugovora na period od 7 (sedam) mjeseci.
- da je Ugovorni organ donio Odluku o dodjeli ugovora broj: 35/X-02-404-1632.8/20 od 30.12.2020. godine, u skladu sa kojom se zaključuje ovaj ugovor između Ugovornog organa i Ponuđača;
- da je Ponuđač dostavio ponudu broj: MP-94/20 od 24.12.2020.godine, koja čini sastavni dio ovog ugovora (u daljem tekstu: ponuda Ponuđača);

Strane u ugovoru sporazumjele su se o sljedećem:

PREDMET UGOVORA

Član 1.

Predmet ovog Ugovora je pružanje usluga fizičke zaštite ljudi i imovine Izvršioca, u organizacionim jedinicama Naručioca koje se nalaze na adresama prikazanim u Tabeli (**Aneks 10**).

Radno vrijeme u kojem će Izvršilac na objektima iz Aneksa 10. pružati uslugu fizičke zaštite je:

- od 08:00 do 15:00 sati (od ponedjeljka do petka, 5 radnih dana u sedmici)

- Čuvar/Zaštitar koji bude raspoređen da radi na lokaciji objekta Službe socijalne zaštite općine Novo Sarajevo, radit će po 3,5 sata na dvije lokacije/objekta, koji su međusobno udaljeni jedan od drugog oko 200 metara.

PRAVA I DUŽNOSTI ČUVARA/ZAŠTITARA (ZAPOSLJENIKA IZVRŠIOCA)

Član 2.

Čuvari (zaštitari) koji obavljaju poslove fizičke zaštite lica i imovine ovlašteni su za preduzimanje sljedećih radnji:

1. upozoriti lice da se udalji iz prostora ili objekta koji se osigurava, ako se neovlašteno nalazi ili zadržava u tom prostoru, odnosno objektu,
2. spriječiti neovlaštenom licu ulazak u prostor ili objekt koji se osigurava,
3. zadržati lice zatečeno u prostoru ili objektu koji se osigurava u izvršenju krivičnog djela do dolaska policije,
4. spriječiti neovlašten ulazak, odnosno izlazak vozila ili lica sa prtljagom iz prostora ili objekta koji se osigurava, kao i obaviti pregled tih vozila i lica,
5. upozoriti lice da se udalji iz prostora ili objekta koji se osigurava ukoliko je došlo do većeg narušavanja javnog reda i mira, u protivnom će zadržati to lice do dolaska policije.
6. Čuvar će po potrebi Ugovornog organa otključavati i zaključavati objekat koji se štiti, a po potrebi će voditi i pismenu evidenciju ulazaka i izlazaka stranaka.

U obavljanju poslova iz stava 1. ovog člana čuvar može upotrijebiti najmanju potrebnu silu i o upotrijebljenoj sili odmah upoznati odgovorno lice agencije.

Čuvar koji zadrži lice iz tač. 3) i 5) stav 1. ovog člana dužan je odmah o tome obavijestiti policiju i upoznati je sa razlozima zadržavanja te postupati prema uputama dobijenim od policije do njenog dolaska.

OBAVEZE IZVRŠIOCA

Član 3.

Izvršioc se obavezuje:

- da će rad u skladu sa ovim ugovorom obavljati savjesno, odgovorno i stručno u skladu sa važećim zakonskim propisima i pravilima struke,
- da će vršiti redovnu koordinaciju sa odgovornim licem Naručioca usluga,
- Izvršioc odgovara za štetu, koju bi eventualno učinili njeni zaposlenici nesavjesnim i neodgovornim radom ili radom koji bi bio u suprotnosti sa obavezama iz ugovora i koju pokriva svojom vlastitom polisom osiguranja,
- Izvršioc je obavezan da zaključi Ugovor o osiguranju ili da ima policu osiguranja od odgovornosti za štetu počinjenu ugovornim strankama ili trećim licima u obavljanju poslova fizičke zaštite, (čl. 36. Zakona o agencijama).

OBAVEZE NARUČIOCA

Član 4.

Naručilac usluga se obavezuje redovno informirati osobe za kontakt Izvršioca o svim operativnim informacijama kao što su: zamjena osobe za kontakt, promjena pisanih uputstava, itd.

OSOBE ZA KONTAKT

Član 5.

Naručilac i Izvršilac ugovaraju slijedeće osobe za kontakt:

Za Naručioca:

– Mr.sc. Samir Suljagić, direktor

tel: 033 / 723 640

e-mail: info@kcsr.ba

Za Izvršioca:

Ermin Nezić, direktor

tel. 033/ 677-155

e-mail: info@mpoint.ba

POSLOVNA TAJNA

Član 6.

Izvršilac se obavezuje da će u vremenu trajanja ovog ugovora, i cijelo vrijeme po njegovom prestanku, kao poslovnu tajnu čuvati sve povjerljive informacije Naručioca kao i ostale podatke koji su Izvršiocu dostupni kod pružanja usluga, a odnose se na Naručioca i njegovo poslovanje.

CIJENA, NAČIN FAKTURISANJA I PLAĆANJE

Član 7.

Ukupna cijena bez PDV-a za sedam (7) mjeseci obavljanja usluga fizičke zaštite ljudi i imovine definisanog u članu 1. ovog ugovora iznosi **53.872,00 KM, odnosno 63.030,24 KM sa PDV-om.**

Član 8.

Račun za učinjene usluge ispostavlja se prvog u mjesecu za prethodni mjesec.

Član 9.

Naručilac se obavezuje plaćati fakturu najdalje trideset (30) dana od dana prijema fakture, kod poslovne banke Izvršioca, u suprotnom zaračunavaju se zakonske zatezne kamate.

TRAJANJE UGOVORA, OTKAZNI ROK

Član 10.

Ugovor se sklapa na period od 7 mjeseci, a stupa na snagu danom potpisivanja od obje ugovorne strane.

Član 11.

Otkazni rok je 30 (trideset) dana i počinje teći sa prvim danom nakon prijema pismenog otkaza. Otkaz Ugovora može dati bilo koja ugovorna strana poštom pismenim putem.

U otkaznom periodu Naručioc mora izmiriti sva dugovanja proizašla iz ovog ugovora.

PRELAZNE ODREDBE

Član 12.

Sve sporove u vezi sa ovim ugovorom Naručilac i Izvršilac će rješavati sporazumno i u duhu dobrih poslovnih odnosa.

U slučaju da ugovorne strane sporove ne mogu riješiti na taj način, za rješavanje je nadležan sud u Sarajevu.

Član 13.

Ugovorne strane su saglasne da se za sve što nije regulisano ovim Ugovorom primjenjuju odredbe Zakona o obligacionim odnosima i Zakona o agencijama i unutrašnjim službama za zaštitu ljudi i imovine.

Član 14.

Ovaj ugovor je sačinjen u 4 (četiri) istovjetnih primjeraka od kojih Naručilac i Izvršilac zadržavaju po 2 (dva) primjerka.

NARUČILAC

DIREKTOR

Mr.sc. Samir Suljagić

Broj: 35/X-02-404-1632.10/20
Sarajevo, 13.01.2021.godine

IZVRŠILAC

DIREKTOR

Ermin Nezić

Broj: 19/21
Mjesto i datum: Sarajevo, 18.01.2021.